



# KOINONIA GOSPEL MINISTRY

## Monthly Bulletin

Issue No.1 Volume 1

JANUARY, 2019

### Editorial Column

*Amasapen in Koinonia Gospel Ministry member jouse nabon Chauvin kumthah chibai kahin pecheh uve. Pathen in kumthah eipeh kit utoh kilhon in, Ministry in jong thilgon chom chom ihin kistem diu chuleh Department wise a plan jatchom cheh ihin kigon kit diu ahitan ahi. Hichi holah a chu Koinonia Gospel Ministry, Monthly Bulletin hi khat ahi.*

*2019 kum ihin jot pan u ahitoh kilhon in, kum masa a pan ilah khom bang uvin pan lajom cheh u hitin, chuleh ki tosot to jing u hite. Pathen hanta song pum a tohgon ho hihen lang, bolding ho hijong leh alohin thei na din lam jot jing ute.*

*Pathen in Israel te gamthip a amapui jing bangun, Koinonia Gospel Ministry jong kumlhung kei in ei mapui jing peh tauhen.*

*Monthly Bulletin hi lhaseh a First Sunday nilhah Prayer Cell kichai leh simdoh thei a hung ki tahdoh ji ding ahi. Koi tabang article penom hon Editor pa Whatsapp or Email (laldioux777@gmail.com) a submit ibol jing thei u ahi.*

- Editor



### LAMKAI SEMDOH

*Lalboi Doungel*

*(Lecturer - Shalom Theological Seminary)*

*Seikhom ding Thudohho:-*

*-Lamkai chu koiham?*

*-Lamkai kiti hi penpi ham ahilou leh kistemdoh tho ham?*

*Ken katahsan chu Lamkai hohi kistemdoh tho ahi. Alangkhat a chun lamkai hina hi apenpi jong um nan tin ahin lah atamjo hi kistemdoh tho ahivu. Hiche jeh a hi I thupi<sup>diuva</sup> "Lamkaiho semdoh" ka ti ahi.*

### PATHEN MI CHRISTIAN LAMKAI NGAIKHOHNA

*(Mat.9:36). Ahivangin Aman mipi ho chu aven ahileh achingbei kelngoi honcha banga agenthejuva achedchao jeh-u chun alung ase lneh-in ahi.*

*Mark 6:34 – Chuin Jesu ahung potdoh leh mipi tamtah amun, achingbei kelngoi hon toh abah jeh-u chun alung asen gamtin thu ahil lhang pan tan ahi). Jesun mipi amu phat chun achingbei kelngoi bang in amun ahi. Hiche tobang thu hi Judges 17:6 ah hi tin sei e, "Hiche lai chun Israelte laha Leng ana um hihlai jin, amitakip in ama ama mitvet a dih asah cheh abol taovin ahi".*

### BIBLE DUNGJUIA LAMKAI HILCHETNA:

*"Bible in lamkai ati hochu Pathen mipi honkhat Pathenin mipi te dinga Adoisah lamdoltaha thujo leh puihouina dinga Pathen in thilboltheina leh mopohna afeh miho ahivu".*

*Robert Clinton*

- Pathenin thilboltheina afeh umdan-  
\*Lhagao thilpehho  
\*Ipenpi thilboltheina ho  
\*Thilboltheina iki lamdoh ho*
- Pathen in mopohna afeh – Hiche hi natohna pohgih jengseh hilouvin natohna dungjuia mopohna jong ahi(accountability). Hiche hohi khantousah a manchah ding ahi. Rom. 12:3-7-*

*"3.Hijeh chun eipeh lungsetna vang hin nalah-uva mi chengse jah-a kasei ahi, agel dingdol kalval in koiman kalene ti gel hihhen, amavang Pathen in afeh kham kham*

*Contd.on p.2.*

tahsana dungjui in kitup tah-in ngaito hen lang lunggel toh hen.

4. Tipum khata tibah tamtah inei jui, tibah jouse thakhat ahipoi, apanna aki bang pon ahi.

5. Hibanga chun eiho jong tamtah ihuvin, Christaa tikhat ihuive; khat chu khat tibah ihi cheh-un ahi.

6. Lungsetna eipeh bang cheh-un eithil peh-u achom cheh inei un ahi. Thusei phongna apeh pan atahsan dungjui in sei hen;

7. sottol a pang chun sottol in um hen; mihil a chun mihil hen;"

Lhagao thilpeh ichan hou leh iboltheina hou jouse hi ahina bang tah-a mangcha ding ngeh ihuive. Lolhinna hi eiho iphat iset teptena jong ahideh poi. Alenjo hina leh mitampi ithua kaihuoi jou jong chu aphajo ahideh pon ahi. Pathen in ipi-a dinga eidoi sah u ham ti dungjuia ium diu joh thupi ahijoi. I khantou thei u ahi. Ei le ei idin mun le ipahna chan kivetchil jia, hitia chu ei le ei ikhan tou theina dinga kitil khou ji ding ihuive.

• Pathen mi polkichehtah khat chung a thujo na: Na noija natong hochu Pathen mite ahiuve ti geldoh in lang chuleh ama ho chu nathu jo/na thaneina noija um dinga nakhuta kipe ahiuve ti sulmil hih in. Machine banga jah/manchah mai maia paidoh kit ding ahipouve. Chuleh Kiletsah taha achung uva pakaipaa pan ding jong ahideh poi.

• Pathen lunggot lama natoh na ding: Ama ho chung a Pathen lunggot subulhit na ding lampia pui ding ihuive ti geldoh jing ding ahi. Hichun adeichu i-tohkhom na sunga Pathen lunggot holdoh-a hiche lampia chu abonchaova iche khom ding-u chu ahi.

#### **LAMKAI HINA JATLI HO:**

• Lamkai hina haisan jeng- lamkai thamkhat in abol. Hiche tobang lamkai hohi lamkai hina chung a kisotniemna, boina and hahsatna aum tieng vesui jou louva alamkai hina moh ngah jeng ho ahiuve.

• Kinotden Lamkai – hitobanga lamkai hohi khangtoug theita lou le twibanga kinong den ho ahiuvin – lamkai tamtah in abol e. Amaho hi tua ahina le aphahna chana kinga jeng khantoug ding lunggel le lungjat na neilou ho ahiuve. Amahohi thilthah podoh theilou leh semdoh thei lou ho ahiuve.

• Khanse lamkai/ setna toh lamkai hina pokhom – lamkai lhom chan abol. Hitobang lamkai hohi chonsetnaa lhalut uva alamkaina apata kinodoh/kihaisah ho ahiuve.

• Khangtoug jing leh lolhing Lamkai- lamkai lhom chan abol. Ama hohi ahinkhou kituptaha veng jing, lunggimna, kisuhniemna, boina hole hahsatna um jong leh lunglha lou ho ahiuvin; aphahna chana kimoh ngah den louva aphantseha khantoug na ding thil ho gel jing puma khantoug na ding thilthah ho poldoh jing ahiuve.

### **2018 COUNSELLING DREPARTMENT TOHDOH HO:**

1. Counseling department sung in Orientation programme Seibo le Hatmary Resource Persons hinan anakinei thei in ahi.

2. Dec 14 in Tuibong ECA Church ah One Day Youth Seminar Programme "Christian Family Preparedness" ti thupi mang in Dr. Hemkhomang Haokip le Dr. Tinkhonei Haokip Resource Persons hinan anakinei thei in ahi.

#### **Counselling department a member ho:**

1. Seibo,
2. Hatmary,
3. Joseph,
4. Stephen,
5. Paocha,
6. Carolyn,
7. Jenny,
8. Haoneo.

#### **Koinonia Census 2018:**

1. Member jat: 155(Pasal 81, Numei 74)
2. Jinei 3.
3. Theological student: 35 (M.Th 9/ Lecturer 5)
4. Denomination: 11
5. Govt. Job: 10 (Teacher 2/Army 3)
4. Private Job: 15
5. Medical/Nurse: 4
6. Mission worker: 6
7. Actor: 2
8. Singer/Artiste: 22

#### **Koinonia sunga Denomination um ho:**

1. Kuki Baptist Convention (KBC)
2. Evangelical Churches Association (ECA)
3. Kuki Christian Church (KCC)
4. Thankhal Baptist Church (TBC)
5. Christian Revival Church (CRC)
6. Church of God (CG)
7. Kuki Baptist Association, Nagaland (KBA)
8. Chongthu Baptist Churches Association (CBCA)
9. Independent Baptist Church (IBC)
10. Assemblies of God (AG)
11. Church of the Nazarene (CN)

## KOINONIA GOSPEL MINISTRY TUP LE DOI

*Thupi: Fellowship in Christ ( Acts 2:42 )*

*Koinonia hi Greek thuchang ahin hichu kiloikhom/fellowship tina ahi. Tahsan masa ho chu kingailu tah leh kilungkhat tah in Solchah ho thuhil ngai in, kipana thupha seiphoung in, taona in, genthei hahsa ho kithopi in, chuleh Tahsa leh lhagao in vetton tah in ana kiloikhom un ahi.*

*Hiche bang a chu koinonia gospel ministry in jong tup le doi kinei chu:*

- 1. koi Denomination um lou a ki-ngailutah leh ki-lungkhat tah a Pathen lenggam adia panlah khom ding*
- 2. Genthei hahsa- meithai leh chaga ho kithopi ding.*
- 3. Khangdong ho italent cheh mangcha a Pathen lenggam a panlah khom ding, Khat le khat Pathen thu a kitielkhoh to ding le taona a pan lah khom ding.*
  - ➔ Koinonia Gospel Ministry hi 1st November, 2015 nikho a Pathen mapuina akon hung kiputdoh ahi.*
  - ➔ Member Jat: Mi 40-50 ho hi Ministry programe hon ajao jing thei in, mun choum-choum a um ho toh agom a member 150 vel akihi.*

*Koinonia Gospel Ministry in Committee 6 akinei in ahi:*

- 1. Prayer cell Department*
- 2. Social Department*
- 3. Education Department*
- 4. Music Department.*
- 5. Counseling Department*
- 6. Sports Department*

*2nd Anniversary hi 21<sup>st</sup> & 22nd, April 2018 Chun Ideal High School, Ccpur mun a lolhing tah in ana kimang thei in ahi. Pathen loupina Chang hen.*

### 2018 SUNG A MUSIC DEPT.HO TOH DOH

- 1. Tukum 2018 sung in worship laa khat a kikhum doh in ahi*
- 2. Gospel track thadou pao a kisun tuibuang bazar sung ah hop doh ana hi in ahi*

#### ***Kiman chah na a dang2 ho***

- 1. Music dept.lamkai nanui leh dept.dang ho gon na nui in houbung dang2 ah kikhop na tampi ah pan ki la in ahi*
- 2. A ni vei chang na Kathange Gospel Idol 1st edition kibol na ah jong pan kila in ahi*
- 3. Lamkai lui bro.minlun te inn lut na ah jng music dept.in pan kila in ahi*
- 4. Sumkong kaimun ah counseling dept.lamkai na a kibol one day outer preaching cum concert ah jng music dept.in hatah in pan kila in ahi*

#### ***Music Department lamkai:***

- 1. Gigin Mate*
- 2. Lhingcha Guite*

#### ***Members dang ho:***

- 1. Semboi*
- 2. Lulun*
- 3. Sasang*
- 4. Manggou*
- 5. Houpu*
- 6. Silas*
- 7. Minlen*
- 8. Dedem*
- 9. Chuchung*
- 10. Amos*
- 11. Boilen*
- 12. Chachan*
- 13. Neicy*
- 14. Lalam*
- 15. Boinu*
- 16. Kimrose*
- 17. Nengboi*
- 18. Marina.*



**PAKAIYIN ADEI CHU IPI HAM?**  
*Mr. Ginpu Haokip*  
*(Lecturer – Servanthood Bible College)*

*Pakai chu kelngoi chal jeng asang sang kipe leh lunglhei ding hiya, vadung samgsom jen dimset thaotwi kipe leh lunglhai mong ding hinam? Kasuh khelna ngaidamna dia kachapa peng masapen kapeh ding hiya, kahinkhoa kachonset jeh a katahsaa pengdoh masa kacha chu kapeh ding hitam? VO MIHEM PAKAI YIN NANGA KONNA ADEI CHU IPI HAM? THU ADIH A NATAN PEH A MIKHOTO DING NAKHOH SAH A, NA PATHEN NUNGA KINEM SAH TAH A LAM NAJOT DING CHU AHI BOU VE.*  
*(Micah 6:7-8)*

*1. Tulai Christian atam jo hi Pakai in adei chu ipi ham ti sang in eima deilam lam le eiman phante iti dung jui uva Pathen hou, Pathen natong, chule Pathen nungjui aki tam tan ahi. Pathen houna a jong Pathen in angaisah le agel khoh ho chu ipi pi ham ti sang in Houbung in a khang khang a hung kichepi chonna dan ho le upa ja um ho thu joh ina chepi jiu vin ahi. Pathen in adei chu ipi ham?*

*2. Israel miten alah uva thudih um lou vaicha genthei khoto na um lou vin chonset abol jiu vin ahin a chonset u thoidam nadin kelngoi chal thao tah tah Pakai komma kithenso nading le chonset lhaolnah na din ahin choi jiu vin ahi. Ahin hiche chondan hi lungthim sung kikkel louva tradition tobang a ahung umdoh phat a Micah themgao hung paodoh ahi. Thilto chu Pakai in adei ahi poi, thutah, ngailut, le kineo sah na joh ahi Pakai in adei chu tia hung eodoh jeng ahi tan ahi.*


*3. Eiho Pathen houdan jong hi ivet le Micah themgao khanga Israel te to iki khex nao a um tapon ahi. Houin thupi tah tah in Lakh lakh lut isao vin Pathen chu mit muthei sum thahat a lunglhei sah ding igo gam taovin ahi. I Houin hou ahoi cheh cheh in ahin hiche hi ham Pathen in adei chu??? Pathen chu khut a kisa inn a acheng poi a chennna nangle kei lungthim ahi bou ve (1 Cor 3:16). Ajo le ihou uhi moh hi get inte ti kichat umtah ahi.*

*4. Christian te foundation chu Jesu Christa ahin chule Christa chu thutah ahi. Ama a chu jou kiti mong2 um lou ahi. Christian society khat a chu thutah in vai ahom ding ahi. Houin kai hat jong le chun, hopsom peh hat jong le chun chule akum kum in*

*Houbung Lamkai hijong le chun nanga thutah a um lou va ahi leh nahou chu moh ahi. Hiche hi tulai ilam kai hou in nasa tah a agel khoh diu chu ahi. Joule nal in sum ahol uvin nehguh chah guh dimset pum in hinkho amang jiu vin hiche ho selguh nading in Pathen maicham ahin bel jiu vin mipi mudin maicham hopsom asem jiu vin ahi. Pathen mit mu dia iti kidah um hitam? Pathen in adei chu ipi ham? ti naki doh jing angai in ahi.*

*5. Pathen deiya Pathen hou ihui hinam? Pathen deiya ama na itoh u hinam? Ole nangma cham cham ma kisa nahim? Ojo le ihou u moh hikha get inte sopi te ho hijeh chun Pakai dong pumin aman nanga konna adei keiya konna adei chu he pumin ama hou utin ama na tong ute.*

**PATHEN IN PHATTHEI EIBOH CHEH TAO HEN.**



**GEL PHAH LOU PATHEN PHATTHEI BOH NA**  
*Miss Carolyn, M.Div.*

*Mi kim khat ihinkho a mi-hetpeh louva genthei ikisahna le ilungneona jong inei kan aum jin ahi. Hitobang dinmun a ium teng Ruth hinkho hi igeldoh ji diu apoimon ahi. Ruth hinkho chomcha anave khom ute.*

*1. Lungsete lainat um tah ichan ding uva dei umlou Ruth hinkho 'a aji in adalhah nunga bel ding neilouva aum pet muthei in aum in ahi (Ruth 1:4-10).*

*2. Ruth hi aji pa thi nung in jong agam leiset anulepa ainsungmi ngai cheng jong dalha ngam in, atehpi Naomi le a Pathen bel in Maob akon in Betllehem khopi lam ana jon in ahi (Ruth 1: 16-18).*

*3. Genthei tah in chang-khai mi lou lai ja ahol in, achan chung a lunglhai in aphunchel dehpoi, akinepna chu ni khat neh-kham mu ding bou chu ahin, chom khat jeng cha jong aki choldopoi. Hichun Boaz in lungset ahin chan in, Ruth jah a hiche lou hi dalha hih in atin, genthei tah a chang-khai aholna mun chu agelphah lou phatthei achanna mun ana hi joi (Ruth 1:9-13).*

**Moral:** *Nang le kei jong chang-khai ihol lai phat, agenthei penna nakigel lai ahin, lungneo hih-in jahcha hih-in kitah tah in Pathen bel pum in pang in chule genthei nikhon nadin mun chu dalhah jeng ding gel hih in, ni khat teng gelphah lou Pathen akon phatthei nachan teiding ahi. Chuniteng naka namun chu phatthei nachan na muna pathen in asem thei ahi.*

## KOINONIA GOSPEL MINISTRY LEADERS:

*Director: Lunminthang Lhungdim*

*Co-Ordinator: Santosh*

*Finance: Thethem*

### **Prayer Committee:**

1. Boilen
2. Veineilhing

### **Social Committee:**

1. Chochon
2. Judy

### **Sports Committee:**

1. Thangchungnung
2. Boichon

### **Music Committee:**

1. Gigin
2. Lhingcha

### **Counseling Department:**

1. Stephen
2. Paocha

### **Education Department:**

1. Gracy
2. Mercy

### **Advisors:**

1. Silas, BD, Actor
2. Ginpu, Lecturer- Servanthood Bible College
3. Jangminlal, Principal Gravewine School.
4. Seikholen, Lecturer- Shalom Theological Seminary
5. Lalboi, Lecturer- Shalom Theological Seminary
6. Thangminlen, Asstt. Pastor KWS Bangaluru
8. Sis. Hatmary, Lecturer- Biblical theological Seminary, Bangaluru
9. Bro. Seiboi, Lecturer- Discipleship Theological Seminary, Manipur
10. Bro. Thangminlun, Deputy Director ECC

## KGM FINANCE REPORT 2018

1. Opening balance as on 25.4.2018= Rs. 200
2. Total income= Rs. 4750
3. Total expenditure= Rs. 1480
4. Balance as on 7.1.19= Rs. 3270

**Contribution account:** (Accident of Sis. Neiching)

1. Total contribution=Rs. 23281
2. Amount given on visit & travelling expenses=Rs. 11030
3. Music Department worship song recording= Rs. 3000
4. T. Shirt printing=Rs. 4400
5. Balance=Rs. 4851

Total= 3270+4851= Rs. 8,121.

#Tua hi Finance nu kom a record kibol ho ahin, adang hi Bro. Santosh kom a lut ho next month le report hung kibol di ahi.

## THOUGHTS OF THE MONTH:

~MercyLhungdim

\* Do not give up your full time to think and delay, instead do it and give yourself more time to think on how to do it better.

\*Never hesitate to help others, you were helped to become a helper.

\* Be rich, be poor, be whatever you like. But be adjustable to all.

\*Forgive and forget, if you are to choose one, choose forget because that better shows you forgive him.

\*Difficulties, problems, failures, sufferings, depression are very important moments and feelings that gives us time to think and produce good ideas.

**For query, suggestions and information, article**

**Contact the following:**

**Editor**

**Mobile: 8415934372 (Whatsapp)**

**Email: laldioux777@gmail.com**



## **HINKHO THAH MEL A KIDANG**

*Bible text: Ephesus 4:23-24  
(Hegou Haokip, Sijang Village)*

*Hinkho thah ahilou leh kistem thahna akiti tengle mikhat in achesa phat ho ah aphant louna agit louna ho zouse chu ahin dalhah, aheimil ah Pakai jesu ah dinga hing ah chule ahuhhingpu leh alengpa ah kisan ah masanga aphant louna leh agitlouna jouse chu hin dalhah ah pathen henga tahsa ah kistemthah chuleh lhagao hinkho ah kistem thah tina ahije.*

*Mihem in achesa phat ho chu isuhmil angai jin ahi, phat chesa ho chu isuhmil leh maban ah kichal thei pon ahi. Ahilou leh isuhmil/i heimil lou leh vang aki khangtoug thei hih in ahije. Mihem khat chun aphant chesa ho agel in gel leh achai na chu lahlou soh doh ding ahi in, ajeh chu achesa phat ah na chonsetna ho chu nagel gel leh pengthah (Huhhingna) thei him him pon nate. Hijeh ah chu kistem thahna dinga chu achesa phat ahoilou leh iphat chesa ho nahei mil/iheimil ah nakistem thah/iki semthah ding ahi, achuti louleh vang kistem thah pon nate. (ISAIAH 43:18-19)*

*Pathen lekhabu theng sunga jong dalhah ah um lou leh phattheina akimu ji hih ti jong imu vin ahije. Pathen in Abraham jah ah jong chu Nagam leiset, na phung nachang, na insung mite dalhah in ati ahije. Tuni nikho jong chonsetna nabol ho ahilou jong leh masanga na kipeh satna ho, midei louva naum na, ho chu nabol jeng nalai leh na hinkho vang kikkel thei hih in nate...*

*Tuni nikho hiche Hinkho kikkel ah thu isei nau vah pathen lekhabu theng sunga kon in SOLCHAH PAUL HINKHO thusim ah ana kihoulim ute.*

### **TEKAHNA LEH TILKHOUNA:**

*Solchah paul hinkho hi ivet leh deium lou tah leh thet umtah hinkho ana mangin hiche goh keo hilou vin ama hin Houbung masa Christian te jong ana bol genthei jin suhmang ding jong ana go in ahije.*

*Ajeh chu hiche abol chu pathen na tong dan ah kigel ah pontho tah leh tonpan tah ah Houbung masa Christian ho chu suhmang ah chuleh suh gentgei ah bolding chu ana thupi pen ahije. Hiche Saul in abol thupi pen chu numei leh pasal ho chu amat ah sungkul ah ana khum ji ahie. Houbung*

*Saul in Christianté suhmang dinga Jerusalem ah phalna ahung kilahna ah Pakai pathen in Damuscus khopam ah ana kimu to pi in ahile, SAUL chu pathen in amin PAUL in ana khel in khel in ahije. Hiche nikho ah pat chun paul chu ahinkho akikhel in, pakai ah dinga natoh tamtoh doh pen khat jong ahije. (Act's 9; 22:6-16 ; 26:12-18)*

*Hiche SOLCHAH PAUL hinkho thusim leh eiho hinkho ah jong kitilkhouna dinga ilah doh nom u ahile. Mikhat chu Pakai ah dinga hinkho kikkelna anei tengle midang ho sangin ajat chom jep tei jin ahije. Tuni nikho jong Saul hinkho ah hin kikkelna in nei ute. Ajeh chu ahinkho lui ivet leh tijat umtah ahi in ahije. A hinkho kikkel nunga asetna ho ageldoh louva ama lam hinkho joh ano peijin je, hijeh ah chu mihem khat chu ahinkho akikhel leh akidang'e ajeh chu laa in jong, "HINKHO THAH MEL A KIDING E" lhandampu kamu ding ti laa in jong isa uvin ahi. Hijeh ah chu koi hile Christa umte chu ahinkho achondan ho jong alamding jep teijin ahi. amel u jong akikhel jep jin ahije.*

*Sopi. Ve tem o SOLCHAH PAUL hinkho thusim jong chu Pakai toh a kimuto ni a pat in ahinkho akikhel chu avel in pakai douna in hinkho amang pon chuleh masanga houbung Christian te jong chu avel in suhmang na ding lung jong angaito tapon ahi. Nang jong paul banga hi masanga chun pakai douna in hinkho amang jong le chun tun vangin na lhagao hinkho nasem thah nikho ah pat in avel in pakai dou ta hih'e hinkho hi lhagaova ikistem thah tengle ema hinkho ah lungmonna akinei jin, imel jong aki khel le.*

*Solchah paul jong akistem thah nikho a pat a pathen atong a aum bangin eiho khat leh khat Solchah paul hinkho kihilna leh kitilkhouna in ima lam hinkho ah lampi/ilampiu sem jang leh lhagao hinkho ah tha kido doh in pang hen.*

*Hiche ah chu Solchah paul Corinth Houbung ho lekha athot na chun koi hile Christa ah um chu akistem thah ahi, alui chengse mang gam ahi tai atin ahije. (2Corinth 5:17)*

### **HINKHO THAH MEL A KIDING E**

*Asim jouse Kumthah Chibai kahin bol e*

## **One Day Youth Seminar Programme**

*Tuibong EYD & Koinonia Gospel Ministry organised bolna noi ah achesa 15 December 2018 nikho in Tuibong ECA Church mun ah One Day Youth Seminar Programme lolhing tah leh damtah in ana kibol in ahi.*

### **Hichea Resource persons a eipan pih hochu:**

- 1. Rev. Dr. Hemkhomang Haokip (Pastor- KWS, Pune)*
- 2. Dr. Tinkhonei Haokip*

### **Hichea topic cover kibol hochu:**

- 1. Foundation for Christian Family*
- 2. Searching for the Right Life Partner: Where to begin?*

*Hichea hung pangjou sen phatchomna anei cheh uvin ahi.*

## **PASSION DANCE STUDIO Admission open for new batch.**

Heavy discount for 2019

Learn to dance, gain confidence, become healthy, fit and become a star

Registration fee: 500/-

Monthly fee:

Now: 800/- only

Before: 1000/-

You will also get to participate in music videos, movies, big events and other ads

**LIMITED CLASS SPACE  
ENROLL NOW!**

**☎ Contact: 8837253185(whatsapp/call)**

Address: Tuibong, Grace Acedamy road,  
Churachandpur, Manipur-795128

**GRAPEVINE INTRL SCHOOL: S. Gamnomjang,  
K.Salbung, Ccpur.  
(CBSE affiliation bol ding).  
ADMISSION OPEN  
(Prep. to Class- V)**

### **HET DING A LOM HO:**

- † *GOD First: Lhagao sochatna ngaikhoh pen hiding.*
- † *Pakai Jesu SEIJUI phatah a siem ding.*
- † *Nu le Pate toh pankhom a Chate hinkho siemkhom ding*
- † *Themjilna lam a sangtah hisah ding.*
- † *Pathen thilpeh (gifts/talents) holdoh peh a siem pilhing ding.*
- † *Ngam piela (confident) thusei/lasah jil sah ding.*
- † *English/Hindi/ Maths/ Science habol ding.*
- † *Pathen le mihem a dinga miphachuom tah hisah tei ding.*
- † *Pathen ging Lamkai/ Officer ahung hi nadinga taona toh thoa tilkhou jing ding.*
- † *Class khat a chapang 45 sanga tamjo tousah lou ding.*
- † *Hostel a um jouse Devotion, Bible study, Camp, VBS, Tuition le Football free coaching nei peh ding.*
- † *Oja Pathen le Chapang ngailu, thepna sangtah nei hi ding.*
- † *Chapangho- khamnathei le ju le sa akona huoidoh sah na ding in, school in Football Academy akibol in ahi. Regn. kihong vah ta ding.*

*Rev. Tongminthang Haokip. Mob: 7630960052.  
Mrs.Kim Haokip. Mob.: 8119041899*



**DAVID MUSIC SCHOOL (DMS)**  
**OPPT. S.P Office, Tuibong**  
*Regd. No. 50/SR/2018-08P*

**ADMISSION NOTICE**

Koi tobang Music lam a lunglut na nei a jil nom ho dingin David Music School in kot lentah akihong jingin Certificate jong course dungjui a kipe ding ahi.

**COURSE JILT THEI DING HO:**

1. Basic Course:                      2. Advance course

**OR**

i). Guitar (Lead, Bass, Classical, Rock, Blues, Country, Jazz, Heavy metal etc.)  
ii). Drum                                  iii). Keyboard                                  iii). Tonic Sol-fa  
iv). Staff Notation                      v). Vocal    vi). Chord Theory

**Class starts on : 1st Feb. 2019**

Contact No.  
8119957867 | 7629947307  
David Kakaap      D.M Mangboi

## KGM BULLETIN INTERVIEW WITH BLESSED SISTERS



Amasapen a inamsung uva dia hetthei tah le vetton um tah Blessed Sisters akon Sis. Kim toh kihoulim thei dia eikoi u Pathen thangvahna ipiuvn ahi.

**1. KGM:** Amasapen a na min, family chanchin le kho min ho nansei thei di ham?

**Sis. KIM:** Amasan KGM insung mi ho jouse kumthah chibai kahin bol in chule tunia jong chan loupitah eichan sah lamkai ho jouse chung a kipathu kahin phong e.

Pathen jal in insung kikim in kaum nalai uvin, Kapa min Jangthang Haokip, kanu min Lhingnu ahin, ucha numei li kaum uve. Chuleh tuhin S.phaipijang Churachandpur a kacheng uve.

**2. KGM:** Bible najil akihen ijat chan nanasim ham? Chule tua hi ipi pen nabol am?

**Sis. Kim:** Heng e. M.Div kana chai in, tutuhin ECA noiya katong e.

**3. KGM:** 'Blessed Sisters' hi itih kum a nahin bol pan u ham chule iti nahung kipat u ham?

**Sis. Kim:** Blessed sisters hi 2017 a kahung ki form pan uve. kahung ki form dan u achomlam tah in hinsei ing e. kaneo apat in Pathen natoh ding kana thanom in, seminary kalut jou ministry ho kache jiteng kanao shennu kana kipui jin, kei thusei ama lasan ana pang jin, kanao aneopen teni vang puidoh thei ana hillon naipoi. 2012 June jingkah khat devotion kanei na a Acts 21:9 kahinsim doh in "**Philip in chanu li anei in, Pathen thu seiphong in apang uve**" ti kasim doh in, keijong hicheni jingkah apatchun Pathen Philip chanute namanchah bang in keiho jong neimang un, keibou hilou in kanaoteho jouse toh nalenggam a naa katoh nom uve tin kahung taopan in ahi. Kanao teho jong taona mol hoa kapui jin kabon uva Pathen na katohkhom theinadiu a Pathen in alampi ahin gon nadin kana taojing uve. Phat ahung chal in keijong Cambodia missionary din kakalsong in, kanao teni(lucy le chingnou) jong Pathen in hakhan in ahinkhandoh sah in haha Pathen vahchoi la ahinsa pan taovin ahi.

Ka prayer partner hokom a jong taona a kana share jing khat ahijeh in amahon jong nabon uva Pathen na tohkhom phatchu ahitai tin eitilkhon jing un, keijong inn kahung kile in Blessed Sisters kahin ki form uvin, Pathen lenggam a dia ibolthei pen u Pathen vahchoi la isah uva, hiche a kon a mi khatbeh in hinkhokikhel na ahin nei nading tia taona toh tho a kahung kifform doh u ahi e.

**4. KGM:** Ucha Pathen vahchoi khom thei a naum hi vetton naum lhev uvin, ahin anopna le hahsatma ipi-ipi um am?

**Sis. Kim:** Ka ucha uva Pathen vahchoi laa kasahkhom thei uhi keiho dia Phatthei nalen pen ahin, nom kasa uvin, kipana eipeuvin, adeh in Pathen lenggam a dia pan kalah nathe pen u ahijeh hin missionary bang in kakigel uvin kathao anom e. Munchom cheh a um kahijeh uhin, min eingachit teng ule deibang tah a kakalson jou jilou uhi hah kasah napen u ahi e.

**5. KGM:** Ucha kilungkhat tah'a Pathen vahchoi na ding le mi-hetthei chan hung hina dia itobanga pan nahin lah uvem? Chule itobanga hinkho man ngai am?

**Sis. Kim:** Mihetthei a kahung umdoh na diuvin Taona a kana kibulphu uve. Jer.33:3 khu keiho chepi Bible chang ahin, Pathen in eiho dia thil kiselguh khat eikoi peh uve, ithum doh diu ahitin Pathen kana but un, kum5 jen katao jou nung uva Pathen in eihin lolhinsah u ahi. Chule lolhin nadin Pathen song jing pum a, eijong hapan angai e.

**6. KGM:** Koinonia Gospel Ministry nahung pan hi kaki thang-atpi lhev uvin, Ministry hi ichan a na phatchompi a chule ministry khantouna dia nagel boldia pha nasah um am?

**Sis. Kim:** Keijong Koinonia Gospel ministry a kahung pankhah hi kakipah e. ikilungtoh uvin, lamkai hojong afel in nom kasa lhev e. (keivang inn kaum jiloujeh hin ima a kajao joupon ngaidam kahinthum e).Thil ibol jouseu kilungtohtah a ibol uva, hahsa genthei kitho pi na hihen, houbung vilna hihen, online prayer chuleh adang tampi ibol houhi kaphatchom pi in kakitil khon lhev ji e. maban a jong hapan a ipan diuvin kahin tem e.

**7. KGM:** 'Blessed Sisters' hi ichan chepi ding nati uvem? Ji hinnei leu chun nangah diu tam, chepi nalai di nati uvem?

**Sis. Kim:** Itih chan hijong le Pathen in damna eipeh chan uva kache pi diu ahin, jinei jou nung a jong Pathen in lampi eigon peh uva ahile kache jom peh diu ahi e. Hinlah supportive husband ngaitante hahaha.

Contd.on p.8.



## KOI SEI HAM?

1. Ka Saiseh koi ho neman lou in ana se e kada dan, kahung kipuh kit di he  
~ Sis. Hatneo, E. Bungjang  
(Director pun Saiseh apuh peh nehrou a asetsah)

2. Gari le i-dongma chu iti kite thei ding ham?  
~ Bro. Chochon, Leader Social Committee  
(A gari dalah agel jing jeha dongma sanga nagel thupi joh am tia kidong ahin donbutna)

3. Bible jil khat kahijeha Dukan kabol hi abang in eihethem jipoe, business hi ka lunglutna ahijeha hiche akon Pathen natoh ding kagel jing ahi

~ Bro. Santosh, Coordinator  
(Bro. Santosh in midang hon ahethem jilou dan u a puhnatna thu asei)

4. Jingle Manipur lang kache di ahie ~ Bro. Ginpu  
(Bro. Ginpu in Open Air preaching ni jan a jingle Pallen kache di tai ati gut le Manipur kache di tai ahin ti doh. Dimapur a um kihisah dan ahi.)

5. Jinei tah louva chapang nule pa neilou khat ki vah joh ding kati ahitai  
~ Sis. Gracy, Synod Veng  
(Chapang nule pa neilou ho ngailut najeha ahin sei)

*Koinonia Gospel*

*Ministry*

*Wishes you*

*A*

*Very Happy New*

*Year*

*2019*

8. **KGM:** Khangthah ngen ihuvin adeha Pathen vahchoi lasa khat hina a dongma neihin i-Career asuhset thei am ahiloule eikithopia panga nagel am? Chule Pathen vahchoila sa ho dia itobang ji na deisah peh am?

**Sis. Kim:** Dongma neijeh a career set le phat hi ami in apo e. keivang dongma neijeh career sevang kapom poi. Thil jouse aphant ihet a ahile eikithopi a pang jo ahi. Pathen vahchoi lasah jouse deidan akibangpon, keivang itobang na tong jongle mission minded mi kadei e.

9. **KGM:** Koinonia Gospel Ministry adia ichan a panlah di nati am?

**Sis. Kim:** Hichan hin pan la ing e tin promise vang kabolngam poi. Hinlah kajo chan a taona toh tho a kapan jom jing ding ahi.

10. **KGM:** Achaina dia taona ngaichat hihen sei nom dang ipi nanei am?

**Sis. Kim:** Chanvou loupi tah eihin chansah lamkai ho chung a kipathu kahin phong e.

Chule taona ngaichat themkhat hin share ing e:

1) Blessed Sisters tenjong 2nd step kaboipi jing lai u ahijeh in, lolhing tah a release thei na ding.

2) mite a dia phatthei channa kahiuvu, kei ho a kon a mihon Hinkho kikhelna aneiuva Pathen loupi kiphon na kahi na diu.

3) kei ministry, shennu (LLB 1st yr) Lucy(XII simlai) chingnou (matric pe ding) kalolhin nadiu. Hicheng a din lungset tah in neihin taokop jing un o?

Pathen in KGM mapui jom jing hen lang, alenggam a din mangcha jom jing hen!

Kakipah e.

Tunia KGM Bulletin toh kihou nadia naphat man tamtah nahin peh jeh in kipathu kahinsei in, Pathenin Blessed Sisters ho phatthei naboh uhen lang Pathen lenggam a panla khom jing din eima pui jing tau hen.

### News in Brief:

1. Jojoy le Haopu jong Christmas le New Year man jou in John Robert Theological College, Shillong ana jon kit lhon tan ahi.

2. Silas Date 8 le Union Biblical Seminary, Pune jon ta ding.

3. Lalboi Doungel, Bulletin Editor in January 19 le kichenna kin nei ding.

4. Lulun Touthang in January

**PICTURE COLUMN**

**OPEN AIR PREACHING**

**FASTING PRAYER**

**KOHINONIA GOSPEL MINISTRY 20th ANNIVERSARY**

**Cum Sports Day 2018**

Acts. 2:42

Resource Person : Mr. Seikholen, Lecturer STC  
 Speaker : Mr. Thangminlen, M.Th  
 Mr. Silas Khaiminlun, B.D

Venue : Ideal High School, Canaan Veng      Duration : 21st April & 22nd April, 2018

**S  
E  
M  
I  
N  
A  
R  
  
P  
R  
O  
G  
R  
A  
M  
M  
E**

**Meithai vilna leh Kithopina**